

## Lan-eskaintzen erregistroa 2023ko urrian


### • ERREGISTRATUTAKO LAN-ESKAINZA KOPURUA

Euskal Autonomia Erkidegoko enplegu-bulegoetan 1.432 eskaintza erregistratu dira 2023ko urrian, irailean baino 11 gutxiago eta 2022ko urrian baino 232 gehiago.

### • LURRALDE HISTORIKOAK

Kudeaketako Administrazio Unitatearen lurralde historikoari dagokionez, 2023ko urrian 241 eskaintza erregistratu dira Araban, 464 Gipuzkoan eta 727 Bizkaian. Eskaintzen % 16,8 Arabako UAG-etan erregistratu dira, % 32,4 Gipuzkoan eta % 50,7 Bizkaian.

Eskaintzaren Lurralde Historikoa



Araban, hilabete honetan, eskaintzak % 16,6 jaitsi dira (48 eskaintza gutxiago); Gipuzkoan % 20,7 jaitsi dira (121 eskaintza gutxiago); Bizkaian, aldiz, eskaintzak % 27,8 gehitu dira (158 eskaintza gehiago).

Iazko hilabete beraren aldean, eskaintzek gora egin dute hiru lurralde historikoetan. Araban 24 eskaintza gehiago izan dira ( % 43,8ko gorakada); Gipuzkoan 26 gehiago ( + % 5,9) eta Bizkaian 182 gehiago ( % 33,9ko hazkundera).

### • ESKAINTZAREN OKUPAZIOA

Okupazio-profilei dagokionez, EAEn erregistratutako eskaintza gehien dituen profila teknikari zientifikoena da, 375 eskaintza eta eskaintza guztien % 26,2rekin. Ondoren, laguntza-teknikarien profila dago, 261 eskaintzarekin eta % 18,2ko pisuarekin. Industriako, kualifikatu gabeko zerbitzuetako eta zerbitzuetako okupazio-profilek ere garrantzi handia dute erregistro-eskaintzei dagokionez, erregistratutako eskaintza-bolumenaren ehunekoak % 14,4, % 12,8 eta % 12,7 dira, hurrenez hurren. Eskaintza gutxien erregistratu dituzten profilak lehen sektorekoak eta zuzendaritzakoak dira, 19 eta 11 eskaintzarekin, hurrenez hurren.

Joan den hilabetearen aldean, kopuru absolutuetan zein erlatiboetan gehien jaitsi den profila zerbitzuena izan da, 52 eskaintza gutxiagorekin eta % 22,2ko jaitsierarekin. Aldiz, balio absolutuetan gehien hazi diren eskaintzak profil tekniko-zientifikoarenak dira, 37 eskaintza gehiago eta % 10,9ko hazkunderarekin; balio erlatiboetan, bilakaerarik onena lehen sektorekoen eskaintzek izan dute, % 72,7ko hazkundera izan baitute (8 eskaintza gehiago).


Urte arteko saldoari dagokionez, profil guztietako eskaintza guztiak igo dira, operadorearenak izan ezik, 10 eskaintzatan gutxitu dira ( % 12,2ko murrizketa). Igoera absolutu handiena zientzia-teknikarien profilean gertatu da, 128 eskaintza gehiagorekin eta % 51,8ko hazkunderarekin; ehuneko hazkunderik handiena, aldiz, zuzendarien eskaintzek izan dute, % 450eko hazkundera izan baitute (9 eskaintza gehiago).

### • KONTRATU MOTA

Erregistratutako eskaintzen % 31,2 mugagabeak izan dira, eskaintzen % 68,5 aldi baterakoak, eta gainerako % 0,3 merkataritzakoak. Kontratu mugagabeen eskaintzen ehunekoa handia da serie historikoarekin alderatuta, irailetik hona 7 puntutan jaitsi bada ere; iaztik hona ere puntu 1ean jaitsi da. Datu horiek indartu egiten dute lan-erreformaren ondoren eskaintza mugagabeen presentzia


handiagoa izateko joera. Mugagabeko eskaintzak 446 izan dira, aurreko hilean baino 101 gutxiago (% 18,4ko beherakada). Aldi baterako eskaintzek, berriz, gora egin dute (93 eskaintza gehiago), 888 guztira; termino erlatiboetan, hazkundera % 10,5ekoa izan da. Azkenik, merkataritzako 5 eskaintza izan da 2023ko urrian, aurreko hilean baino 3 gutxiago.

Urte arteko saldoari dagokionez, kontratu mugagabeko 61 eskaintza gehiago egon dira (% 15,8ko igoera); aldi baterako kontratuko eskaintzek % 22,2 egin dute gora, 178 eskaintza gehiago. Azkenik, merkataritzako 7 eskaintza gutxiago erregistratu dira urte arteko konparaketan.



### • ESKATUTAKO ESPERIENTZIA - DENBORA

2023ko urrian erregistratutako eskaintzen % 81,6k 0 eta 6 hil arteko esperientzia behar dute, 1.169 eskaintza guztira. Eskaintzen % 11,5ek (165 guztira) 6 eta 12 hilabete arteko esperientzia eskatzen dute. Ehuneko txikiagoak dituzte esperientzia-aldi luzeagoa eskatzen duten eskaintzek, hala nola 3 eta 5 urte bitartekoek, % 1,1eko pisuarekin (15 eskaintza) eta 5 urte baino gehiago eskatzen dituztenek; 6 eskaintza eta % 0,4ko pisua.



Hilabete arteko bilakaerari dagokionez, eskaintzak jaitsi egin dira eskatutako esperientzia-tarte guztietan, 0 eta 6 hilabete bitarteko esperientzia-tartean izan ezik; tarte horretan 23 eskaintza gehiago izan dira (% 2 gehiago). Jaitsierarik handiena, balio absolutuetan, 3 eta 5 urte bitartekoaren taldean gertatu da, 13 eskaintza gutxiagorekin (% 46,4ko jaitsiera); balio erlatiboetan, aldiz, jaitsiera handiena 5 urtetik gorako esperientzia eskatzen duten eskaintzetan izan da, % 60 jaitsi baitira (-9 eskaintza gutxiago).


Urteko bilakaeran, gora egin dute esperientzia gutxien behar duten eskaintzek: 0 eta 6 hilabete artekoak igo dira gehien balio absolutu eta ehunekoetan (+220 eskaintza, + % 23,2). 6-12 hilabete bitarteko eskaintzak ere igo egin dira (+ 30 eskaintza eta % 22,2ko hazkundera). Aitzitik, jaitsi egin dira esperientzia tarte handiagoa behar duten eskaintzak, hala nola 1-3 eta 3-5 urte bitarteko eskaintzak, 10 eta 9 eskaintza gutxiagorekin eta % 11,5eko eta % 37,5eko jaitsiera erlatiboarekin, hurrenez hurren.

## Lan-eskaintzen erregistroa 2023ko urrian

Urrian, erregistratutako lan-eskaintzek 7 hilabeteko batez besteko esperientzia eskatu dute, iraileko kopuru bera.

### • LANALDI MOTA

Ezer baino lehen, aipatu behar da lan-eskaintza guztiek ez dutela zehazten zer lan-jardunaldi egin behar den eskaintzak erregistratzeko orduan; eskaintzen % 17,7k bakarrik zehazten dute lanaldia, aurreko hilean baino 2 puntu gutxiago (1.432 eskaintzatik 253k soilik). 253 eskaintza horietatik 220 lanaldi osokoak izan dira, eta gainerakoak 33 lanaldi partzialekoak.



Bilakaerari dagokionez, lanaldi osoko eskaintzak 24 gutxiago izan dira irailarekin alderatuta, hau da, % 9,5ko jaitsiera. Lanaldi partzialeko eskaintzek behera egin dute 8 eskaintzatan, eta murrizketa erlatiboa % 19,5koa izan da.

Aurreko urteko hil beraren aldean, lanaldi osoko eskaintzak hazi egin dira 94 eskaintzatan (% 74,6 gehiago) eta lanaldi partzialekoa modu apalagoan bada ere, hazi egin dira (4 eskaintza gehiago, % 13,8ko hazkundera).

### • ALDI BATERAKO LANERAKO ENPRESAK (ABLE)


Hil honetan 13 lan eskaintza kudeatu dira ABLEn bitartez, aurreko hilean baino 8 gehiago eta aurreko urtean baino 7 gutxiago.

### • ESKATUTAKO PRESTAKUNTZA MAILA

Adierazle honi buruzko datuak ere ez dira beti zehazten lan-eskaintzak erregistratzeko orduan. Eskaintzen % 72,3k ez du zehazten zein den eskatutako prestakuntza maila minimoa: 1.432 eskaintzetatik 397k soilik zehaztu dute.

397 eskaintza horietatik, 168k unibertsitate mailako prestakuntza eskatu dute; ikasketa maila honetako eskaintzak izan dira ugarienak. Ondoren, Lanbide Heziketa maila eskatu dutenak daude; 133 izan dira urrian. Azkenik, oinarrizko eta batxilergoko ikasketak behar dituzten eskaintzak daude (77 eta 19 eskaintza, hurrenez hurren).

**Eskatutako gutxieneko prestakuntza maila**



Hil arteko konparaketan, ikasketa-profil guztien eskaintzak igo egin dira, batxilergoko ikasketenak izan ezik, 7 eskaintzatan jaitsi baitira (% 26,9 gutxiago). Goraldirik handiena, balio absolutu zein erlatiboetan, unibertsitate-ikasketen eskaintzetan izan da, 68 gehiago izan dira eta % 68 hazi dira.

## Lan-eskaintzen erregistroa 2023ko urrian

2022ko urriaren aldean, Batxilergoa behar duten eskaintzek soilik egin dute behera (3 eskaintza gutxiago, -%13,6). Aitzitik, balio absolutuetan zein erlatiboetan gehien hazi diren eskaintzak uni-bertsitate-ikasketak eskatzen dituzten eskaintzak dira, 69 eskaintza gehiagorekin ( % 69,7ko igo-  
era erlatiboa).

### • ESKAINTZAREN JARDUERA

Alde handiz nabarmentzen den jarduera, EAEko enplegu-bulegoetan erregistratu diren eskain-  
tzen bolumenagatik, administrazio publikoarena da, % 26,3ko pisuarekin (377 eskaintza). Atzetik  
datoz manufaktura-industriako eskaintzak, 138 eskaintzarekin, hau da, hileko eskaintza guztien  
% 9,6, eta merkataritza, 130 eskaintzarekin eta % 9,1eko portzentaiarekin.

Aurreko hilabetearen aldean, eskaintza gehienak jaitsi dira. Balio absolutuetan, gehien jaitsi di-  
renak merkataritzako eskaintzak izan dira, 56 eskaintza gutxiagorekin eta % 30,1eko jaitsiera  
erlatiboarekin; balio erlatiboetan, jaitsiera handiena informazio- eta komunikazio-eskaintzek  
izan dute, % 54,6ko ehuneko-jaitsierarekin (-29 eskaintza). Bestalde, eskaintza gutxi egin dute  
gora eta ia hazkunde guztia administrazio publikoaren eskaintzek izan dute, 212 eskaintza gehi-  
agorekin eta % 128,5eko hazkundearekin.

Urte arteko saldoari dagokionez, zenbaki absolutuetan nabarmentzekoa da administrazio pu-  
blikoaren igoera 119 eskaintza gehiagorekin (+%46,1); ondoren, hezkuntzako eskaintzaren haz-  
kundea 58 eskaintza gehiagorekin ( % 96,6ko hazkundea). Jaitsierarik handiena, aldiz, zenbaki  
absolutuetan, manufaktura-industrian gertatu da, 31 eskaintza gutxiago eta % 18,3ko jaitsiera-  
rekin.

### Eskaintzaren jarduera

